

















王摩詰目錄卷之六

五言絕句

朝川集

孟郊

李益

文天祥

斤竹傲

鹿柴









王摩詰目錄卷之六

五言絕句

輞川集二十首

孟城坳

華子岡

文杏館

斤竹嶺

鹿柴



木蘭柴

茱萸泚

宮槐陌


臨湖亭

南垞

欽湖

柳浪

樂家瀨





金屑泉

白石灘

北垞

竹里館

辛夷塢

漆園

椒園

息夫人



班婕妤三首

雜詩

山中

聞裴迪秀才吟詩因戲贈

臨高臺送黎拾遺

山中寄諸弟

從軍行

遊曲池



江上贈李龜年

送別

皇甫嶽雲谿雜題五首

鳥鳴磻

上平田

蓮花塢

鷓鴣堰

萍池



答裴迪

贈韋穆十八

別輞川別業

崔九弟欲往南山馬上口號與別

題友人雲母障子

崔興宗寫真詠

山茱萸

哭孟浩然



太平詞二首

送春辭

書事

塞上曲

隴上行

閨人贈遠五首

紅牡丹

左掖梨花



六言絕句

田園樂七首

王摩詰目錄卷之六

終





王摩詰詩集卷之六

唐 藍田王

維撰

宋 廬陵劉辰翁評

五言絕句

輞川集 有序

予別業在輞川山谷其遊止有孟城坳華

子岡文杏館斤竹嶺鹿柴木蘭柴茱萸泚

宮槐陌臨湖亭南垞欽湖柳浪樂家瀨金



屑泉。白石灘。北垞。竹里館。辛夷塢。漆園。椒  
園等。與裴迪閒暇各絕句云爾。

孟城坳

有。新家孟城口。古木餘衰柳。來者復為誰。空悲昔人

華子岡

顧云調古興高幽深有味無出此者

極。飛鳥去不窮。連山復秋色。上下華子岡。惆悵情何

復欲二語如  
此俯仰廣遠  
不可得

蕭然更欲無  
言



文杏館

文杏裁為梁。香茅結為宇。不知棟裏雲。去作人間雨。

斤竹嶺

檀藥暎空曲。青翠漾漣漪。暗入商山路。樵人不可知。

鹿柴

去聲

空山不見人。但聞人語響。返景入深林。復照青苔

○作○莓

無言而有画  
意  
顧云此篇寫  
出幽深之景



猶是鹿柴之餘

上。

木蘭柴

秋山歛餘照。飛鳥逐前侶。彩翠時分明。夕嵐無處所。

茱萸泚

結實紅且綠。復如花更開。山居儻留客。置此芙蓉杯。

宮槐陌



仄徑蔭宮槐。幽陰多綠苔。簷門但迎掃。畏有山僧來。

臨湖亭

輕舸迎上客。一作仙悠悠湖上來。當軒對尊酒。四面芙蓉開。

南垞

輕舟南垞去。北垞淼難卽。隔浦望人家。遙遙不相識。



欵湖

吹簫凌極浦。日暮送夫君。湖上一回首。青山卷白

雲。

柳浪

行分接綺樹。倒影入清漪。不學御溝上。春風傷別

離。

樂家瀨

颯颯秋雨中。淺淺石溜瀉。跳波自相濺。白鷺驚復

頽云此景常  
有人多不觀



唯幽人識得

下。

金屑泉

日飲金屑泉。少當千餘歲。翠鳳翊文螭。羽節朝玉

帝。

白石灘

清淺白石灘。綠蒲向堪把。家住水東西。浣沙明月

下。

北垞



頽云一時清  
興適與景會

其意不款着  
一字漸可語  
禪

端。北垞湖水北。雜樹映朱欄。逶迤南川水。明滅青林

竹里館

照。獨坐幽篁裏。彈琴復長嘯。深林人不知。明月來相

辛夷塢

木末芙蓉花。山中發紅萼。澗戶寂無人。紛紛開且

落。

一作絲絲



便在謝東山  
輩口語皆成  
高韻

首素淨

正爾懽悴得  
人

漆園

樹。古人非傲吏。自闕經世務。一作侶惟寄一微官。婆娑數株

椒園

君一作身桂尊迎帝子。杜若贈佳人。椒漿奠瑤席。欲下雲中

息夫人

時年二十

莫以今時寵。一作朝能忘舊日恩。看花滿眼淚。一作目不共楚王



頤云只羨一楚  
字便有無窮悲  
怨

頤云渾涵

頤云詠婕妤  
而猶為含嘔  
希寵之態似  
非婕妤本相

言。能忘一作寧無一作寧忘

班婕妤三首

宮殿生秋草。君王恩幸疎。那堪聞鳳吹。門外度金

一作寵

一作笛

輿。

其二

玉窻螢影度。金殿人聲絕。秋夜守羅幃。孤燈耿不  
滅。

其三



語皆不刻而  
近

頌云三詩皆  
淡中含情

與時有洛陽  
人皆費解說

聲。 惟來妝閣閉。朝下不相迎。總向春園裏。花間笑語。

雜詩

生。 已見寒梅發。復聞啼鳥聲。愁心視春草。畏向玉階。

其二

否。 家住孟津河。門對孟津口。常有江南船。寄書家中。



其三

君自故鄉來。應知故鄉事。來日綺窗前。寒梅着花未。

山中

荆溪白石出。天寒紅葉稀。山路元無雨。空翠濕人衣。

聞裴迪秀才吟詩因戲贈

猿吟一何苦。愁朝復愁夕。莫作巫峽聲。腸斷秋江



客。

臨高臺送黎拾遺

相送臨高臺。川原杳何極。日暮飛鳥還。行人去不息。

山中寄諸弟

山中多法侶。禪誦自爲羣。城郭遙相望。惟應禮白雲。

從軍行



戈甲從軍久。風雲識陣難。今朝韓信計。日下斬成安。

其二

燕額多奇相。狼頭敢犯邊。寄言班定遠。正是立功年。

遊春曲

萬樹江邊杏。新開一夜風。滿園深淺色。照在綠波中。



其二

上苑何窮樹。花開次第新。香車與綵騎。風靜亦生塵。

江上贈李龜年

紅豆生南國。秋來發幾枝。贈君多採擷。此物最相思。

送別

山中相送罷。日暮掩柴扉。春草年年綠。王孫歸不

一作明年

古今斷腸理不在多  
顧云古語翻案



歸

皇甫嶽雲谿雜題五首

鳥鳴磻

人○閑○桂○花○落○夜○靜○春○山○空○月○出○驚○山○鳥○時○鳴○春○磻○

中

上平田

朝○耕○上○平○田○暮○耕○上○平○田○借○問○問○津○者○寧○知○沮○溺○

賢

皆非着意

顧云所謂情

真者

又云何限清

逸

語調並高



蓮花塢

日日採蓮去。洲長多暮歸。弄篙莫濺水。畏濕紅蓮

衣。

鷓鴣堰

乍向紅蓮沒。復出清浦颺。獨立何離離。銜魚古查

上。

萍池

春池深且廣。會待輕舟迴。靡靡綠萍合。垂楊復掃

每々靜意言之偶然



開。

頌云王公輞川諸詩近事淺語發于天然郊島輩十駕何用

答裴迪

外。 森森寒流廣。蒼蒼秋雨晦。君問終南山。心知白雲

贈韋穆十八

深。 與君青眼客。共有白雲心。不向東山去。日令春草

淡々有情

別輞川別業



依遲動車馬。惆悵出松羅。忍別青山去。其如綠水何。

崔九弟欲往南山馬上口號與別

城隅一分手。幾日還相見。山中有桂花。莫待花如霰。

題友人雲母障子

時年十五

君家雲母障。時向野庭開。自有山泉入。非因采畫來。



崔興宗寫真詠

畫君年少時。如今君已老。今時新識人。知君舊時好。

山茱萸

朱實山下開。清香寒更發。幸有叢桂花。窻前向明月。

哭孟浩然

一作故人今不見日夕。漢江流

故人不可見。漢水日東流。借問襄陽老。江山空蔡



州。

太平詞二首

風俗今和厚。君王在穆清。行看探花曲。盡是秦階平。

其二

聖德超千古。皇威靜四方。蒼生今息戰。無事覺時長。

送春辭



日日人空老。年年春更歸。相歡在樽酒。不用惜花飛。

書事

輕陰閣小雨。深院晝慵開。坐看蒼苔色。欲上人衣來。

塞上曲

一作鞘裡

天驕遠塞行。出鞘寶刀鳴。定是酬恩日。今朝覺命輕。



其二

塞虜常爲敵。邊風已報秋。平生多志氣。箭底覓封  
候。

隴上行

負羽到邊州。鳴笳度隴頭。雲黃知塞近。草白見邊  
秋。

閨人贈遠五首

花明綺陌春。柳拂御溝新。爲報遼陽客。流芳不待  
一作東  
一作光



人。

其二

遠。成功名薄。幽閨年貌傷。妝成對春樹。不語淚千行。

其三

一作鶯啼啼鶯綠樹深。一作燕語語燕雕梁晚。不省出門行。沙場知近遠。

其四



形影一朝別。煙波千里分。君看望君處。祇是起行雲。

其五

洞房今夜月。如練復如霜。爲照離人恨。亭亭到曉光。

紅牡丹

綠艷開且靜。紅衣淺復深。花心愁欲斷。春色豈知心。



左掖梨花

閒灑堦邊草。輕隨箔外風。黃鸝弄不足。嗛入未央宮。

六言絕句

田園樂七首

厭見千門萬戶。經過北里南鄰。一作蹀躞官府鳴珂有底。崆峒散髮何人。

再見封侯萬戶。立談賜璧一雙。詎勝耦耕南畝。何

無一語可俗



顧云首如  
画

如高臥東窗。

採菱渡頭風急策杖村西日斜杏樹壇邊漁父桃

花源裏人家。

萋萋春草秋碧落落長松夏寒牛羊自歸村巷童  
稚不識衣冠。

山下孤煙遠村天邊獨樹高原一瓢顏回陋巷五

柳先生對門。

桃紅復含宿雨柳綠更帶春煙花落家僮未掃鳥



啼山客猶眠。

酌酒會臨泉水。抱琴好倚長松。南園露葵朝折。西舍黃梁夜春。



王摩詰詩集卷之六終



王摩詰目錄卷之七

七言絕句

送元二使安西

寄河上段十六

送別

九日憶東山兄弟

寒食圯上作

戲題盤石



送韋評事

少年行

塞下曲

贈裴旻將軍

送沈子福歸江東

菩提寺禁裴廸來相看說逆賊等擬碧池上

作音樂供奉人等舉聲便一時淚下私成

口號誦示裴廸



與盧員外象過崔處士興宗林亭

秋思

秋夜曲

從軍辭

遊春辭

雜詩

獻壽辭

平戍辭



贈遠

閨人春思

戲題輞川別業

送王尊師歸蜀中拜掃

靈雲池送從弟

劇嘲史寰

涼州賽神

哭殷遙



歎白髮



王摩詰目錄卷之七

終

王摩詰卷七



...

...

...

...



...

...

...



王摩詰詩集卷之七

唐 藍田王 維 撰

宋 廬陵劉辰翁 評

七言絕句

送元二使安西

絕唱

一作依楊柳春

渭城朝雨裊輕塵。客舍青青柳色新。  
勸君更盡一杯酒。西出陽關無故人。

寄河上段十六

更萬首絕句  
六無復近古  
今第一矣  
顧云後人所  
謂陽關三疊  
名下不虛



容易盡情舊  
未有此

與君相見即相親。聞道君家在孟津。為見行舟試  
借問客中時有洛陽人。

送別

送君南浦淚如絲。君向東周使我悲。為報故人憔悴盡。如今不似洛陽時。

九日憶東山兄弟

維年十七時作

獨在異鄉為異客。每逢佳節倍思親。遙知兄弟登  
高處。徧插茱萸少一人。

頤云真意所  
發忠厚藹然  
又云實故難



頤云此對結體也最要意盡否則半截詩矣

送蕩野興甚濃

寒食圯上作

五自綿殺

廣武城邊逢暮春。汶陽歸客淚霑巾。落花寂寂啼山鳥。楊柳青青渡水人。

戲題盤石

一作磐 一作臨

可憐盤石鄰泉水。復有垂楊拂酒杯。若道春風不  
解意。何因吹送落花來。

送韋評事

欲逐將軍取右賢。沙場走馬向居延。遙知漢使蕭



關外愁見孤城落日邊。

少年行

出身仕漢羽林郎。初隨驃騎戰漁陽。孰知不向邊  
庭苦。縱死猶聞俠骨香。

一身能擘兩雕弧。虜騎千重一作群只似無。偏坐金鞍調

白羽。紛紛射殺五單于。

新豐美酒斗十千。咸陽遊俠多少年。相逢意氣爲  
君飲。繫馬高樓垂柳邊。



漢家君臣歡宴終。高義雲臺論戰功。天子臨軒賜  
侯印。將軍佩出明光宮。

塞下曲

辛勤幾出黃花戍。迢遞初隨細柳營。塞晚每愁殘  
月苦。邊秋更逐斷蓬驚。

年少辭家從冠軍。金裝寶劍去邀勳。不知馬骨傷  
寒水。唯見龍城起暮雲。

贈裴旻將軍



腰間寶劍七星文。臂上瑠弓百戰勲。見說雲中擒  
黠虜。始知天上有將軍。

送沈子福歸江東

楊柳渡頭行客稀。吾師蕩槳向臨圻。唯有相思似  
春色。江南江北送君歸。

菩提寺禁裴迪來相看說逆賊等凝碧池上  
作音樂供奉人等舉聲便一時淚下私成口

號誦示裴迪



萬戶傷心生野煙。百官何日再朝天。秋槐葉落空  
宮裏。凝碧池頭奏管絃。

與盧員外象過崔處士興宗林亭

綠樹重陰蓋四鄰。青苔日厚自無塵。科頭箕踞長

一作林

一作是甚

松下白眼看他世上人

秋思

一作綠

一作長

網軒涼吹動輕衣。夜聽更生玉漏稀。月渡天河光  
轉濕。鵲驚秋樹葉頻飛。

白眼亦如鍾  
會與嵇康



宮連太液見蒼波。暑氣微清秋意多。一夜輕風蘋  
末起。露珠翻盡滿池荷。

秋夜曲

丁丁漏水夜何長。漫漫輕雲露月光。秋壁闇蟲通  
夕響。寒衣未寄莫飛霜。  
桂魄初生秋露微。輕羅已薄未更衣。銀箏夜久  
慙勤弄。心怯空房不忍歸。

從軍辭



旄頭夜落捷書飛。來奏金門著賜衣。白馬將軍頻  
破敵。作額黃龍戍卒幾時歸。

遊春辭

曲江絲柳變煙條。寒谷冰隨暖氣銷。纔見春光生  
綺陌。已聞清樂動雲韶。  
經過柳陌與桃溪。尋逐春光着處迷。鳥度時時衝  
絮起。花繁袞袞壓枝低。

雜詩

一作伊州歌第一疊



秋風明月一作朗苦相思一作獨離居。蕩子從軍十載餘。征人去日慙勤囑。歸鴈來時數附書一作寄。

獻壽詞

宮殿一作觀參差列九重。祥雲瑞氣捧堦濃。微臣欲獻唐堯壽。遙指南山對袞龍。

平戍辭

太白秋高助漢兵。長風夜卷虜塵清。男兒解却腰間劍。喜見從王道化平。



卷旆生風喜氣新。早持龍節靜邊塵。漢家天子圖  
麟閣。身是當今第一人。

贈遠

當年只自守空帷。夢見關山一作江覺別離。不見鄉書傳

鴈足。唯看新月吐蛾眉。

厭攀楊柳臨青閣。閑採芙蓉傍碧潭。走馬臺邊人  
不見。拂雲堆畔戰初酣。

閨人春思



愁見一作游遙空百丈絲。春風挽斷更傷離。閑花落盡青  
苔地。盡日無人誰得知。

戲題輞川別業

柳條拂地不須折。松枝披雲從更長。藤花欲暗藏  
猿子。柏葉初齊養麝香。

送王尊師歸蜀中拜掃

大羅天上神仙客。濯錦江頭花柳春。不爲碧雞稱  
使者。唯令白鶴報鄉人。



靈雲池送從弟

金杯緩酌清歌轉。畫舸輕移艷舞迴。自歎鶻鴒臨  
水別。不同鴻鴈向池來。

劇嘲史寰

清風細雨濕梅花。驟馬先過碧玉家。正值楚王宮  
裏至。門前初下七香車。

涼州賽神

時為節度判官在涼州作

涼州城外少行人。百尺峯頭望虜塵。健兒擊鼓吹



羌笛共賽城東越騎神。

哭殷遙

送君返葬石樓山。松柏蒼蒼殯馭還。埋骨白雲長  
已矣。空餘流水向人間。

歎白髮

宿昔朱顏成暮齒。須臾白髮變垂髫。一生幾許傷  
心事。不向空門何處銷。

王摩詰詩集卷之七

終





右丞詩集其兄宰相縉所進者本云十卷乃舊  
本蜀本俱止六卷惟近錫山顧氏本六十卷然  
題以類分非其舊已今劉本止七卷致縉表云  
詩筆十卷豈并文賦他作之類為十耶茲卷憲  
因劉沒所校也文賦諸篇劉無評語及餘人和  
章劉本所無故俱不贅及然劉評諸家於右丞  
差簡晚復得顧司空華玉所評益之亦如秋吉  
之於襄陽西賢故堪對壘焉可





吳興浚濠初識



侄毓柵校





浙江圖書館藏  
1954.10.10









浙江圖書館善本

登記號：018610

一九 年 月 日

八〇













新嘉坡圖書館藏









**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color Black